

四庫全書

史部

欽定四庫全書

史部

硃批諭旨卷一百二十五之五

臣 永瑤 恭 校

編 修 臣 裴謙 覆 勘

總校官中書 臣 朱 鈴

校對官中書 臣 陸 湘

謄錄監生 臣 李廷對

欽定四庫全書

硃批諭旨卷一百二十五之五

硃批鄂爾泰奏摺

雍正五年九月十六日雲貴總督

臣

鄂爾泰謹

奏為恭謝

聖恩事雍正五年八月三十日

臣

齋摺家奴蒙

恩賞給驛馬齋回

御賜臣嵌玻璃紫石夔龍盒硯一方銅格水火雙硯一

盒蜜荔枝二瓶抵滇又於九月十四日

臣齎兵馬

錢糧冊承差李燦回滇復蒙

頒賜

臣

欽定詩經傳說會纂全部

臣隨皆郊迎至署恭設香案

望

闕叩頭謝

恩祇領訖敬啟摺扣跪諷

硃批朕躬甚安卿好麼來往人朕備細訪問知卿精神

起居甚好實如獲珍寶之喜但諸凡量力而為之萬不可過強欽此及摺內敬述

天語一公則無事而非是一私則無往而非不是復蒙硃批但知此何時而非坦蕩之景真極樂界也欽此

臣
伏讀之下無可語言愛臣諄篤臣之

慈父勉臣深切臣之

嚴師凡有天性皆應悚心臣敢不益自愛重期為成人

但臣竊念我

聖主萬幾親理日昃不暇心周遠邇大小靡遺盡在

睿慮之中總歸至中之宰而百官羣牧曾不能仰贊萬

一少紓

聖懷念

聖主之勤勞實臣工之罪戾

臣雖在萬里心切難安況

臣職司所寄即竭慶料理亦止此兩省而兩省諸

事猶多未就緒乃復屢荷

聖慈諭

臣

量力不可過強

臣

更何以自解至於

臣

年來

精神實倍健旺此來往人所共見惟當念念存公
刻刻去私常求坦蕩之景毋敢忘此極樂界也為
此繕摺恭謝

聖恩伏乞

聖主睿鑒

臣謹

奏

覽卿奏謝知道了字字出於至誠句句朕皆動容覽閱
諸王大臣因朕五十大壽懇請備宴朕勉從之此日微

雪一堂和氣喜溢宮院念卿在遠省未得入座特留數
種朕親嘗食物寄來卿食此如同君臣對面宴會也特
諭

同日又

奏為謬沖既靖各寨歸誠事竊花苗一種介在楚黔
兼連西粵獷悍難馴謬沖尤甚今據各員攻破其
地親行踏勘報稱三方峭壁一線通門羊腸曲徑
鼠穴盤居漢夷不能偵探兵役無從捕覓此羣兇

之所以得肆其姦惡也前於閏三月二十四日經
臣將兩省會攻合寨逃散情形

奏明在案續據黎平知府張廣泗率領知縣孫紹武
署黎平協事鎮遠協遊擊韓勲率領守備左垣等
文武同心楚黔協力冒險履危深入巢窟直窮邊
界之外不獨彼此兩地互相糾查并粵西懷遠縣
所屬各接壤地方凡有兇苗潛伏等處無不親歷
窮搜今兩省各員陸續擒獲賊苗通計大小男婦

共二百三十餘名口齊集適中之處公同會審其
逞兇拒敵并從前各案兇犯俱有著落查得黎屬
地方尚止於盜案而於楚省之靖州通道縣等處
則肆行刦殺晝夜不分迨經官差捕緝則殺死差
役打傷兵丁以及州縣拏獲該寨之人即糾合通
寨抗拒官府并擅自捉拏百姓揚言作抵是從前
已屬極惡窮兇及今兩省會兵臨寨復敢同謀拒
敵殺傷兵役是盜刦之罪固已難寬而按以拒敵

之條更當從重究擬所有掌寨渠魁姚相明等三名各姓管事頭人姚富凡等六名分路拒敵之姚安美等二十三名同謀之李榮華等四名或同謀立議或逞兇拒捕以至動手鎗傷兵丁殺死差役均各俯首供認不諱現在定擬招解另疏會

題外自此各寨遠邇嚮風皆知為除暴安良故無不畏威懷德除向經歸順各苗悉與漢民一體嚴立保甲并取具不敢容姦容賊甘結外更有歸歐鬼

壘九厥交椅几馬等寨俱花苗之種類悉化外之
生夷無不舉踵歸誠傾心嚮化今據頭人率領羣
苗並繳軍器願納錢糧造有戶口花名清冊同詣
張廣泗韓勲行營焚香叩首願求內附共沐

聖朝治化等情到

臣臣

查得歸歐鬼壘等寨在黎平府

所屬洪州土司界外應令歸洪州管轄其交椅几
馬二寨係廣西懷遠縣所屬幹沖地方界內若歸
附黎平則中間隔有幹沖應歸懷遠管轄似為畫

一除臣咨移粵西撫提收入懷遠縣屬外所有各寨投誠戶口錢糧及所繳軍器另繕清摺恭呈

御覽又據張廣泗稟稱查黎平西北之龍里古州各土司所轄地方逼近清水江烏孟江等處生苗此種生苗不獨素性兇頑肆無忌憚且凡有罹罪犯法之人攜家竄入恃作護符實為養姦縱惡之區今張廣泗已會同新任副將李登科於八月二十四日起程前往乘機勦撫以清邊境此皆該員等先

事預籌實心効力裨益地方者也合併聲明統祈

睿鑒臣謹

奏

此事雖卿調度委用得當張廣泗遵照辦理甚屬可嘉

同日又

奏為報明永北邊界用兵協勦賊番事竊永北府之
蒗蕨地方與四川之腊汝窩地方邊界相接前據
永北鎮總兵柳時昌中軍遊擊徐成貞永北知府

馮光裕報稱六月初七日據本鎮標汛浪蕩千總
馬勝稱據土舍阿騰龍報稱四川鹽井衛有官兵
調動五所土兵探得係建昌總兵征勦腊汝窩等
情隨據柳時昌一面令徐成貞派撥目兵添汛防
守一面飛報到臣隨切囑柳時昌并諄諭徐成
貞馮光裕既係川省用兵事同一體所有一切要
隘嚴加堵禦毋令脫逃并將番賊各處巢穴密行
偵探的確預先挑選精健以備策應協同進勦毋

得少有疎緩去後續據柳時昌報稱六月十四日
接准四川建昌鎮公文移知前事隨著徐成貞并
守備鄭文煥率同千把等帶領健兵五百名前往
滾渠駐劄查得滾渠東通腊汝窩大路一條地名
白窩離滾渠一百二十里東北通腊汝窩小路一
條地名岩底離滾渠六十里北通腊汝窩大路一
條地名茹卜戈離滾渠八十里又滾渠半路東南
通腊汝窩大路一條地名西番河離滾渠一百二

十里西番河以外係蕩蕩地界內通高章二土司
地界各令弁兵分路前往嚴加堵禦并行密探一
切情形以憑會勦至七月初六日川兵抵阿利村
寨逆番抗拒不肯授首滇兵四路堵塞川兵乘勢
進攻斬殺三十餘人餘皆降伏又搗什咱一村生
擒二十三名口并勦殺多人然後情願獻黑鹽井
以求宥罪等情於是兩省各皆撤兵回營事關邊
界用兵協勦賊番情事理合陳明

臣謹

奏

如此不分彼此料理封疆大臣毫不推諉瞻顧何事不能辦理也嘉悅覽之

同日又

奏為乘藉兵威勦滅猺賊事竊臨元鎮屬威遠新平一帶地方猺賊猖獗潛匿魯魁哀牢出沒江內江外為害最兇由來已久雖從前屢經用兵兇頑難以就擒煙瘴難以深入或反致代為支飾互相容

隱已非一日久在

聖明洞鑒之中前以鎮沅逞逆因而威遠猱賊扎鐵匠
周大妹等乘機聚衆打井刼寨擄掠鄉村又有新
平野賊李百疊等亦率衆報仇搶殺臣聞稟報隨
嚴檄官弁趁此兵威前赴威遠新平二處協力擒
勦務盡根株又遣臣標遊擊李化龍帶領弁兵星
往會擒始而羣兇嘯聚洶湧異常及見官兵奮勇
直前有戰必克賊勢潰解四散奔逃潛伏深箐無

從踪跡其時正值盛暑瘴癘薰蒸官兵染瘴甚至
病故者屢報到臣思若不及此勦滅又行撤兵
縱暫時安帖後必猖狂姑息之恩適所以養禍因
復差臣標守備席嘉旺臣令箭遍飭行營謂猺
賊一日不除官兵一日不撤縱觸鋒冒瘴寧死必
前能滅賊死有餘榮不能殺賊生有餘辱等語去
後仰賴

聖主仁威將士奮勵冒險深入搜箐搜山於是殺斬過

半多所擒獲據臨元鎮總兵官孫宏本詳報各處
地方所有裸賊生擒解省者六十名當場拒敵鎗
斃傷死者九百四十一名內斬首級三百八十四
顆拏獲眷口安插者一百八十二名口向來裸賊
從未覩此兵威從未經此大創茲見官兵所到抗
拒盡行勦滅投誠一槩從寬於是有威遠兇賊黑
老胖等奔赴行營懇求免死旋擒獻賊首扎鐵匠
等以求贖罪而新平兇賊李百疊等亦來投訴願

為良民各皆從寬安插其解到擒獲人犯現在審擬具

題從此威遠新平一帶地方諒可安堵縱有一二狡賊潛踪漏網然渠魁盡獲終難逃匿再從寬安插之李百疊實係新平賊首既強悍橫肆且狡獪不測有時一人數名易於兔脫復有時一名數人難於鵬擒現在投誠之李百疊即前經

奏明梟取首級之白得也姓李名白得又名百疊又

名迫德前經官兵追急乃取賊中年貌近似之人
故令賊黨指引就前追殺一時弁兵亦無從辨認
自此匿跡藏踪今復乘機刦擄被官兵窮追勢難
別竄乃哀懇求生率黨服罪此賊不除江外終難
寧帖臣令就計許降不必驚破暫行安插以寬夥
衆隨密囑孫宏本如法布置務絕禍根緣本內未
便陳叙合先聲明至於此番官兵頗受艱苦染瘴
病故千總二員把總二員巡檢一員帶傷把總二

員陣亡兵丁十三名帶傷身故兵丁三名染瘴身故兵丁一百八十九名陣亡土練六名染瘴病故土練四十名帶傷土目土練三十五名臣每念此舉實切難安欲圖一勞永逸勢不能不出於此固莫可如何敬記臣前摺內欽奉硃批且猛做去寬之一字乃

上天之恩若容寬時得有可寬之日乃爾我君臣之大福天地神明之殊恩也只此二字之苦

聖祖鑒之含淚筆欽此又奉

硃批不可留之人即一人亦不可疎縱若不應正法即一命亦當詳慎蓋千人百人一人皆同一命耳不可就數目而論多寡此等處須用廣大識見料理者欽此
臣卒讀神傷再讀恣豁仰窺

一人之苦心俯覘羣工之陋見始知寬猛兩字皆出自仁慈詳慎合中斯克幾廣大惟當謹遵

寶訓事事凜體願學中庸之難能不敢因循以自棄除

將勦撫猺賊情形會疏報明外謹繕摺奏

聞伏乞

聖主睿鑒施行

臣謹

奏

朕嘉悅之外餘無可諭題本上已有旨矣

同日又

奏為據實覆

奏事竊八月三十日

頒到二摺荷蒙

硃批此係李日更所奏朕當日用伊看其甚耿直所以
許他奏摺曾摺奏二次似實心任事之員今覽此奏
何世璠恐有此病但未知其中或更有別情否據實
奏朕知道伊等科甲袒護沽譽之風寔為吏治之大
害朕在此竭力整飭如果如此朕另有道理欽此

跪諷之下仰見

聖度虛公不遺棄衆論并不輕信羣言是非必覈其實

進退一準於衡

臣荷

聖主殊知惟期仰體

天心倘稍有不確何敢冒瀆

臣

看得何世璠與李日更

誼本同鄉又經同在翰林即不行袒護亦何至勒

逼

臣

前在貴陽兩月申大成富貴俱曾向

臣

言糧

道貌似質樸心頗詭譎且待巡撫甚無禮及

臣面

問地方事伊多不能對或稍坐久便垂頭瞌睡

臣

經面問何世璠據云形跡何足論伊能慎重錢糧

便是好糧道等語即臣亦因其操守硯介並無染指相待甚優此黔省屬吏所通知者今所

奏諸件皆屬虛捏且多自相矛盾實有別情早不出聖明洞鑒中也緣去年奉

旨保舉人才伊再四懇求保舉何世璠不允又求富貴保舉富貴又不肯遂以此蓄怨臣近赴安籠始訪

聞此語今據稱何世璠日日來往賓客筵宴豐盛不慮有悞政事等語臣查黔省僻處過客無多其

屬員因事來謁與各營將備領餉候考均當接見
并得以詢問各處土俗民情皆分內事即間留一
飯亦獎勵之常臣前在黔省何世璠留臣會食並
不見豐盛況此外可知又稱接見秀才卑詞揖讓
不慮長其驕志講書課文自早至晚以大吏而行
教官之事等語臣查何世璠每於月朔行香復至
明倫堂接見士子并集耆民宣講

聖諭

廣訓則誠有之竟日講書課文並無此事至於諸生有
敗壞行檢武斷鄉曲挾持官長者臣見其屢行咨
革已不下三四十名并未姑息何謂長其驕志又
稱濫准詞訟沿街投控以憲臣而行有司之事等
語臣查黔省屬吏因循成習地方事件多不即完
結故致百姓奔控上司即臣到黔省每日攀轅投
遞凡焚燒刦殺等件自當批審詳結如有誣告即
加倍重處何世璠親准狀詞亦同此意若盡視為

有司之事槩置不問又何賴有憲臣也又稱護庇屬員好徇情面詳揭虧空倉糧者槩不叅處等語臣查何世璠到任叅劾虧糧者已經數員何謂槩不叅處况凡叅虧空當先為完虧空計如叅後可完自當即叅如任內能完亦應稍待若只欲自了身事不顧難了公事終於錢糧何補前當

奏銷時李日更正在抱病不察虛實不分多寡混入一詳槩請叅追據所詳揭內有少穀止三四十石

需銀不上十兩者而署銅仁府思州府知府張鉞
即係李日更發銀招買之項並非該府應存穀數
緣正值青黃不接張鉞不肯承認李日更一面勒
領一面揭叅又黎平府知府張廣泗係前任馬駿
領買之項張廣泗因在軍前辦事未及買補銀兩
貯庫並無不敷而必欲揭叅平越府知府朱齊年
係兵丁支借及平糶之項立請買補亦仍列詳揭
此外尚多半非情理曾經臣駁查并札致何世璠

囑伊務查確實毋或屈抑能員隨委署藩司富貴
盤驗完補出結在案且即據李日更所稱止有三
四處買補不及存銀作抵則非實在虧空可知即
如此三知府才具皆堪辦事而稍不遂意即欲摧
殘臣亦不料李日更之居心行事至於此極也何
世璠清勤自效少通達才過於拘謹近於瑣屑則
有之徇情市恩不敢出此若果深觸其忌尋事中
傷則李日更告病時即應代

題請休又何至惜其操守婉詞慰留至所稱驛站陋

規臣查此項經署撫臣石禮哈

奏作修理營房之需已據各屬報竣

題銷司道皆有案伊反疑劉師恕申大成適自形其
昏憤耳李日更業已起程富貴亦赴部引

見劉師恕申大成俱現在京

聖詢之下自無遁情臣無庸瑣瀆謹據實覆

奏伏乞

聖主睿鑒 臣謹

奏

所奏所論甚公朕於李日更之奏亦覺不實況未有因
一道員摺奏即調回撫臣對質之理朕原欲俟李日更
到來問確再令何世璠明白回奏不料何世璠自奏數
摺甚屬悖謬故調來面問今將何世璠到來問伊諭旨
錄與卿看

雍正五年十月初八日雲貴總督臣鄂爾泰謹

奏為恭謝

天恩事雍正五年十月初一日新授雲南按察使張允
隨赴任回省齎捧

欽賜

臣

御書扁對誠悃宣猷四字體國公忠股肱膺重寄憲邦
文武梁棟得純臣十八字并鈎刻撰銅共二十二字
到臣隨郊迎至署恭設香案望

闕叩頭謝

恩訖祇領之下瞻誦之餘覺感激之私與驚慚而交集
抑忻幸之至轉恐懼以彌深頰首無言仰天流涕
欽惟我

皇上

至誠致化

大知用中

念為君實難朝乾夕惕願臣工堪寄股肱

悉憲邦匪易諄誨曲成期文武克充梁棟維

天心之默運雖竊比管窺凜

聖諭之頻頒應羣開茅塞況反誠為偽反公為私反忠為姦反純為詐但蹈其轍固

王道所必誅而離偽未即是誠離私未即是公離姦未即是忠離詐未即是純縱涉其途特

聖功所與進臣爾泰不甘自棄情知亦步亦趨未能自強實恐忽前忽却期匪躬而體

國政多未平矢攄悃以宣猷民猶不信欽承

寶訓惟當力辨幾希仰覩

龍文弗敢少寬一息問此心是欺是慊

天鑒在茲論有事謀身謀家人言可畏除具疏奏

謝外謹繕摺恭謝

聖恩伏乞

聖主睿鑒

臣

爾泰無任激切悚仄之至謹

奏

覽卿奏謝知道了

同日又

奏為欽奉

聖諭事竊雍正五年十月初一日按察使張允隨回滇

臣備細詢問知

聖躬康悅行健日強復傳

諭旨你回去對鄂爾泰說朕入秋以來精神愈好你說
與他知道他愈加喜歡欽此臣跪聆之下恍如親聞
天語忻幸無似瞻依倍切又傳奉

聖諭鄂爾泰奏稱銅廠甚旺請將銅運到湖廣江南賣
與各省採買的官員狠好再著他將鑄的錢多運些
到湖廣行銷只要國寶行銷流通即費此運脚亦屬
有限即每串折幾分亦不妨開銷朕意運錢比運銅
還好你回去即傳旨與鄂爾泰欽此竊惟運錢運銅
雖可以並行然運銅則省餉增益運錢則

國寶流通體勢所關輕重懸殊前此滇省之錢必量
數鼓鑄就近運行者皆以山路險阻運載艱難流

行遠則需費多需費多則虧折易虧折易則報銷
難故司鼓鑄者皆不敢求行遠而驚多今我

聖主規其遠大略其錙銖以多運為重微折為輕流通
為重開銷為輕此實經世之良法非蠡測管窺之

見所能彷彿規畫者也

臣

查滇省錢局共三十六

爐每年共鑄正錢一十三萬四千七百八十四串
內除匠役工食標營兵餉搭放各項錢七萬一千
九百九十五串零尚存錢六萬二千七百八十餘

串臣前原

題內請將倭鉛節省銀兩作每年運費約運錢四萬串赴外省行銷外尚存二萬二千餘串現擬設法脚費將此項存錢亦運外省行銷此外添鑄補運買錢轉運仍可以調劑是臣當詳細籌算再黔省向無錢局今查得威寧府現出銅廠而鎮雄亦產銅鉛現俱檄令開採將來銅觔儘可供用且齊家灣馬鬃嶺堆積倭鉛皆與畢節縣相近擬請於畢節

縣地方開設一局將各廠所出銅鉛照滇省例委

員收買運供鼓鑄不惟脚價較省而所鑄錢文發

甚好

運

川楚亦屬近便至於倭鉛炭觔二項原俱有節

總以

省

部頒式樣為準不可過厚

但須錢文厚重輪廓完好可以經久自易於行

銷果能盡心料理辦官事如家事亦必不至虧折

威寧府知府楊永斌因會審烏蒙案現在滇省臣

已令與管理錢局麗江府知府元展成會商妥議

并估計開局一切房庫爐卡等費約不過二十千金

俟估定詳報臣再加核酌具疏請

旨外合先覆

奏再運銅一案一應馱脚等項臣早經委辦所需二百七十萬銅數俱可於明年三四月內到漢口五六月內到鎮江斷不至遲悞發運之外所餘銅觔欣悅覽之仍足供兩省鼓鑄亦不費周章合併聲明統祈

聖鑒臣謹

奏

同日又

奏為

奏明酌均公件耗羨以昭畫一事竊惟滇居邊末賦
少事繁通省民屯額賦每年僅徵銀一十九萬餘
兩秋糧止二十餘萬石各屬條糧秋糧火耗除起
解司道二庫平奏欸費之外餘剩無幾而衙役工
食等項原無額設俱係自給故從前各府州縣薪
水日用以及夫馬并一切公事俱派民間辦應官

派一分衙役數倍之地方鄉保又數倍之羣蠹分肥每年私派不下三四十萬小民困苦異常此滇省向來之陋弊也迨楊名時到任於康熙六十一年間將各屬公事核其應需者每年照糧均派隨正完納勒石曉諭名曰公件銀兩此外不許再加派擾使小民知有定額不受書役之苛索在有田之百姓因向有隱射或侵占無糧之田亦樂於完納數年以來百姓安之已視同正額但各屬糧額

多寡不一在當日酌定亦仍有不均臣再四思維
若將此公件銀兩概行革除滇省火耗無幾各項
公事難以辦應轉恐不肖有司復開私派之漸若
照舊聽其自收自用弊端百出實無以善後因檄
令各屬造冊呈送即按所送冊內欸目面與司道
逐一細核有必需者斟酌議留辦公餘各盡行裁
去節省辦理查通省糧條火耗除去解費約餘銀
一萬三千八百一十四兩零稅秋羨餘除去道欸

約餘銀一萬四千九百二兩零公件銀一十一萬
四千六百四兩零內除尋甸路南順寧和曲祿勸
等府州攤丁鹽課共銀三千三百三兩零實該公
件銀一十一萬一千三百一兩零各項共銀一十
四萬十七兩零除永北府併永平縣原未定有公
件外昆明等五十五州縣并廣南元江開化順寧
鶴慶蒙化景東麗江等八府共留辦公銀二萬二
百七十七兩零養廉銀內除元江一府其廣南昆

明等六十二府州縣共給銀四萬五千二百三十
六兩零所留養廉銀准其按月扣留應用如無動
用仍存留移交不得別用倘有那移虧空與正項
錢糧一例叅追實應解司庫銀七萬四千五百四
兩零此外尚有黑井提舉司每年應送督撫布按
節禮銀一千六百八十兩白井提舉司應送節禮
銀八百兩琅井提舉司應送節禮銀一千二百一
十六兩仍應照舊起解通共該解司庫銀七萬八

千二百兩零至各屬公項中如督撫兩院與布政
司糧鹽二道衙門俱有養廉節禮一項應俱裁革
雲南曲靖大理永昌楚雄元江六府向有稅規普
洱通判有徵收秋糧羨餘可以養廉均無庸議給
其臨安澂江廣西姚安武定等五府及按察司永
昌道衙門別無養廉全賴節禮為日用盤費幕賓
束脩之需應於解司公項內每年議給按察司銀
四千兩永昌道銀三千兩臨安等五府銀各八百

兩共銀四千兩按季赴布政司庫請領又雲南曲靖臨安開化大理五府同知通判各二員永昌永北楚雄武定四府同知各一員潯江廣西鶴慶順寧四府通判各一員俱屬冷署亦別無養廉每員應量給銀四百兩共銀七千二百兩以上司道府廳共該養廉銀一萬八千二百兩俱令按季赴司請領臣通盤計算省中各項公費有紙張役食修理資助并齎奏顏料兵丁犒賞部辦飯食以及三

年文武科場等項每年應需銀二萬兩尚節省銀四萬兩應請歸公充餉如此庶通省公事無悞而各屬養廉有資矣但公件名色既條例所無亦別省所未有臣未便詳叙擬將歸公銀四萬兩作為火耗羨餘并各衙門節禮等項

題報充餉再滇省田地欺隱者已陸續清出未清者現在委員勘丈又開例招墾錢糧自必漸增如各府州縣所得耗羨可以辦公養廉則所徵公件一

項仍應漸次裁減合併聲明除將公費并各官養廉銀兩數目另開清摺恭呈

御覽外伏乞

聖主睿鑒

批示遵行臣謹

奏

料理甚屬妥協大概川省亦然近者岳鍾琪請將一切雜派供給盡行裁革只存加三火耗均與通省屬員為

養廉百姓亦甚樂從料理雖是妥協但加三猶須核酌所以於恩減浙省錢糧之諭旨內亦曾畧帶數句滇省如此籌畫可謂盡善但各員養廉似少不足從前此事原係楊名時沽名釣譽之舉不計可行與否暫沽一時之名而又縱容屬員設法巧取置之不問以取悅於屬員令感其寬厚毫無實心惠民之處乃大巧大詐之作耳今既如此只得就此公平料理也將此諭與楊名時朱綱看

同日又

奏為查出官莊田地報明歸公以除隱漏事竊照官
有祿以養廉民藉田以辦賦凡地方田畝惟民可
得而有官不得而據也滇省文武衙門大半有官
莊名色或係勲莊清出或係叛產歸公或無主田
地文武衙門招佃開墾因而收租收息視為定額
前官傳之後官私相授受匿不報聞而夷民得以
藉口欺隱田糧官不能清理亦不敢清理陋弊因

仍由來已久臣於去冬查訪既確隨檄行各員據實開報去後除雲南等府昆明等州縣各覆稱並無官莊外據糧儲道元江廣西潯江大理永北永昌蒙化麗江楚雄順寧景東等府并安寧易門陸涼平夷河陽路南彌勒建水寧州新平阿迷趙州鄧川賓川保山永平騰越南安雲州和曲元謀大姚等州縣陸續報到官莊田地每年收得租米穀麥蕎豆共一萬七千三百六十七石四斗四升二

合九勺內除上納條丁秋糧費用之外尚餘米穀
麥豆八千五百七石七斗七升七合零又據曲尋
永順永北三鎮并騰越協副將段宗岳臣標中軍
副將陳清永北鎮左營遊擊張翰彬守備劉化龍
各報到官莊田地除完條糧年收租穀麥豆共一
千四百二石七斗五升又據東川府報稱查出已
故祿氏養贍並文武官莊田共一萬五千二百七
十二畝年收租穀四千六百八十餘石再臣標五

營有沿海邊界開墾老丁田地并各處草場脚下
丈出新淤自報田地共二千五百三十六畝三分
零年收租穀一千五百七十八石五斗零向為恤
養老丁之用其實需用無多查臣衙門另有菜地
數塊可以分贍老丁田地租穀相應歸公又臣標
陸涼州馬場年可收大小麥蕎穀租三千四十石
九斗零業經摺報以上共米穀麥豆蕎一萬九千
二百一十八石零又租銀一百二十九兩統應歸

公彙八年例

奏銷冊內達部至開化武定姚安尋甸馬龍羅平姚
州鎮南定遠定邊等十府州縣俱報有官莊因數
目開造不符業經發換俟到日一併檄發藩司造
冊詳

題其有終不具報或所報不實者仍當查清以示畫
一所有現在查出官莊田地緣由合先

奏報伏乞

聖主睿鑒

臣謹

奏

向聞滇省鎮臣甚苦毫無出息此等營中官莊地畝應
賜與營標為養廉者卿當斟酌之

雍正五年十一月十一日雲貴總督臣鄂爾泰謹
奏為恭謝

聖恩事雍正五年十月十三日巡撫臣朱綱入境差役
齎至

頒賜臣奏匣三箇又本月十六日臣齋摺候補守備裴

宏道等蒙

恩賞給驛馬齎回

御賜臣素緞四聯哈密瓜二圓果乾一匣抵滇臣隨各

郊迎至署恭設香案望

闕叩頭謝

恩祇領訖敬啓摺扣跪誦

硃批覽卿奏謝朕甚為欣悅前朕之祝願實住大光明

中出於一時至誠之筆今多子之願既應其他

上蒼必賜如意也朕實欣幸焉欽此臣伏讀數四覺感激之私并忘仰

至誠之明通凜

上蒼之昭鑒一念少懈鬼神殛之此外實無可名言至十

八日撫臣朱綱到任抵省臣出迎郊外恭請

聖安伊口傳

聖諭總督鄂爾泰昨年出京時朕看他身子弱後聞他

到雲南將身子調養好了朕心甚為喜慰今朕躬萬
安朕知他時常敬念爾到雲南可說與他欽此臣跪
聆之下如聞我

慈父聲北望神馳不復能出一語續接見朱綱備細請
問伊一一敬述

皇上聖躬康悅精神倍常日理萬幾無少停留并親見
奏摺盈尺

硃批皆遍感激驚嘆動諸顏色臣因就管窺敬告朱綱

聖主用人行政經權時措衆皆知為生民未有其實並

無甚神奇只是一箇至誠事事從

上

天

體

貼

下來

以

一

貫

萬

一

切

刑

賞

予

奪

皆

聽

人

自

取

而

不

不

朕

實

含

淚

觀

之

卿

實

可

為

朕

之

知

己

卿

若

見

不

透

信

不

不

馬

及

亦

不

能

如

此

行

亦

不

敢

如

此

行

也

朕

實

嘉

悅

而

慶

幸

事必懲我輩身任封疆只須實心實力為地方兵

民計即所以酬

恩

即

所

以

自

為

一

切

觀

望

揣

度

念

頭

皆

無

所

用

亦

並

不

不

能用等語

朱

綱

聽

聞

臣

言

悚

惕

唯

諾

在

臣

自

維

愚

不

通

極

是

極

好

好

好

好

好

好

好

好

好

好

好

好

好

好

好

好

好

好

也朱綱人甚練達朕訓他莫患才不足用但務一誠字

陋不足以知

則全才矣伊亦深為感服此人可用
聖人謹用相勸勉共慶遭逢之盛同矢儆法之誠已耳

為此繕摺恭謝

聖恩伏乞

聖主睿鑒臣謹

奏

覽

同日又

奏為恭報滇黔二省秋收豐稔并米糧價值仰祈

睿鑒事竊照滇省跬步皆山黔省土性瘠薄全賴雨暘
時若方可豐收雍正五年自夏徂秋雨澤調勻兩
省高下田畝均得及時栽插穀穗秀發異常今雲
南等二十一府各報所屬秋收均有十分實為大
有之年目下省城米價每石賣銀一兩一錢其餘
各府每石六七八九錢至一兩不等貴州貴陽等
十一府並各屬具報早稻晚稻俱經收穫通省收

成約有八九分省城米價每倉斗價銀八分餘係
六七分間有八分者此皆仰賴我

皇上宵旰勤勞感召

天和之所致也再雲南今歲收成實十數年所未有緣各
屬缺少倉穀有以銀作抵并發銀招買之項皆令
及時完補故米價仍不能大賤合併聲明謹繕摺
奏報伏乞

聖主睿鑒 臣謹

奏

卿此忠誠若不如是

昭應無是理也朕欣悅以手加額覽之

同日又

奏為報明進勦窩泥逆賊事竊查車里宣慰司地方
近逼老撾遙連緬國有窩泥一種雖具人形而生
性冥頑與禽獸無異藉江外為溝池倚茶山為捍
衛盤踞萬山之中深匿巖險之內入則借採茶以

資生出則憑剽掠為活計前鎮沅逆案刀如珍等
勾結各種裸賊輒有窩泥四百臣於三月內已摺
奏其詳及官兵進勦窩泥四散於四月二十八九等
日據普威營叅將邱名揚茶山守備李定海等先
後報稱有窩泥逆賊沙比一名在架布地方砍傷
客脚當被汎弁查知前往追拏沙比即脫逃於倚
邦穀地等處糾結賊黨隨有莽芝兇賊麻布朋與
克者老二二人原係窩泥渠魁率同衆兇於四月

初六七兩日在慢課慢林等處要截路口刼殺行人茶商客衆多被殺傷各皆奔命隨經嚴飭將弁帶領官兵星速擒拏通計前後拏獲兇賊大小共七十人隨經該將備等訊問各供麻布朋等悖亂已極雖其妻子羽黨等俱已被獲而麻布朋與克者老二潛逃無踪查一帶地方係車里宣慰司管轄隨經將備等檄知該土司刀金寶協同擒拏續據刀金寶雖一面委有土目刀正彥等前來會商

勦撫一面具詳代窩泥兇賊辯訴據稱茶商衆客
多以重利滾砌窩泥故致麻布朋等肆行刼殺等
語該將備等以既稱茶商滾砌隨帶領官兵約同
該土目等齊至茶山代為清算以憑招撫漢夷安
輯地方去後詎料刀正彥稽遲不前反遣叭枯等
督領六山窩泥焚燒倚邦各寨堵塞各路要口竟
將帶領兵丁會期招撫之把總王朝選并兵丁內
之十七人及糧差一名皆衝散裹去今據總兵官

孫宏本副將張應宗叅將邱名揚等各報稱據探

得王把總被攸樂窩泥用弩打死在慢拱坐路竹

此等

用命將士事畢必題請議敘方是

蓬裏兵丁十七名糧差董成俱死在慢哀小河凡

往山往江各要路盡行堵絕不能前進叅將邱名

揚已帶領官兵親往行至猛旺等情到臣隨飛

檄孫宏本著帶該鎮官兵一千名并調元江協兵

五百名新營營兵五百名景東營兵三百名加以

普威營官兵仍調土兵一千名星夜進勦臣看得

窩泥雖兇若無指使之人亦未敢輕舉據土目刀
正彥素與宣慰司刀金寶不睦屢欲占管江內板
納地方勢有不能茲乘隙鼓惑六山窩泥逞其恣
橫以嫁禍於刀金寶情節顯然若非大軍前進協
攻茶山檄令刀金寶率領土兵堵絕江外去路則
兇賊勢難擒撲況殺官殺兵習為泛常不及此勦
滅何以善後臣前於九月報明勦撫猺賊情形事
案內有因尚有一二狡賊未獲酌留官兵暫駐等

語正以此案羣兇雖擒正犯未獲其時威遠未靖

故暫作緩勢今餘賊平定且煙瘴全消正宜乘此

此等事

推諉不得

隨出隨辦

一勞永逸之舉

不可少

以圖一勞永逸所有調兵進剿情由合先備敘具

憚煩

摺奏也

聞伏乞

聖主睿鑒

訓示遵行

臣謹

奏

覽

同日又

奏為遵

旨議覆事竊貴州安順府改站一事前面奉

聖諭交

臣

查議

臣

自入黔境即留心諮訪不獨安順地

方所當改站即平越一帶亦有別路可通平坦捷

近官民均便及抵貴陽即面交司道委勘確議續

據詳覆前來並無定見意殊畏難臣於去冬赴黔

之便復面交安順府知府何經文及雲南遊擊徐
成正示以路徑前往勘估據該員等稟覆果另有
寬平大道不獨便於行人且可省去三驛又令平
越府知府朱齊年并屬縣王大烈勘估黃平一帶
該員等亦以道路應改並可省去二驛詳覆前來
適臣今年五月前赴安籠於安南縣地方會提
臣楊天縱遂并將移置驛站改設防汛各事一切
面商提臣隨帶領何經文復同親往查勘與臣面

議無異茲查得安順府屬鎮寧州之安莊驛至普
安州之亦資孔驛直交滇界凡十驛今可減去三
驛平越府屬之平越驛至鎮遠府屬施秉縣之偏
橋驛凡六驛今可減去二驛合兩處計之是十六
驛之中可減去五驛每一驛馬匹俸工銀約計千
餘兩夫糧馬料米約計三百八十餘石通計五驛
每年可省銀約五千兩米約一千九百餘石其所
改驛站除亦資孔安莊平越偏橋四驛仍舊安設

外其餘俱當移置自鎮寧州之安莊驛行五十七里至坡頭為新改第一站應設一驛一汛移駐千總一員兵丁五十名並安馬步兵五塘又四十二里至歸宗為新改第二站應設一驛一營移駐守備一員把總一員兵丁一百二十名並安馬步兵三塘又四十五里至烈當為新改第三站應設一驛一營移駐守備一員把總一員兵丁一百四十名並安馬步兵五塘又四十七里至南車渡為新

改第四站應設一驛一汛移駐千總一員兵丁一百名並安馬步兵五塘又於渡口安馬步兵二塘又五十四里至劉官屯為新改第五站應設一驛一營移駐守備一員把總一員兵丁一百四十名並安馬步兵六塘又六十二里至普安州之亦資孔驛此安順改站之大畧也由平越府之平越驛行四十七里至青岡寨為新改第一站應設一驛一汛移駐把總一員兵丁五十名並安馬步兵五

塘又四十八里至朗城司為新改第二站應設一
驛一汛移駐把總一員兵丁五十名並安馬步兵
五塘又六十五里至施秉縣之偏橋驛此平越改
站之大畧也所有官兵俱於舊設營汛調撥所有
驛舍七處衙署十四處營房約九百餘間塘汛房
約二百餘間官廳牌坊哨樓煙墩約三十餘處造
新石橋三十餘座修舊石橋十餘座木橋十餘座
渡船七隻并石關石堤石路土路等通共物料工

價屢經核估約需銀二萬兩臣竊計三年所省五
驛之費即可以供用而從此路盡平坦且更捷近
不獨行旅商賈易於往來實黔省千百年之樂利
也臣緣事關改置且錢糧所係復經檄行黔藩司
祖秉圭再加確核造冊具詳以便會疏

好

題請但一切物料匠役須秉此農隙預為備辦庶可

省便相應懇祈

甚是

聖恩准於司庫先動銀數千兩委員料理一俟具疏奉

旨部覆到日催趙興工庶夏令雨水之前皆可以報竣
謹繕摺陳覆伏乞

聖主睿鑒

批示遵行

臣謹

奏

覽

同日又

奏為新增鹽課餘息事竊照滇省各井雖產鹽不等

若加意調劑實力趲煎自可裕課益餉

臣

查麗江

府屬之麗江井年煎正額秤頭鹽共二十萬一千餘斤前聞該井尚有餘滴又有下井井附近之四

小井可以開煎

臣

隨於本年五月面商鹽道劉業

長委員督竈煎辦據報陸續收獲鹽斤比前日增

計可獲正鹽二十六萬七千一百餘斤每斤二分

二釐課銀五千八百七十六兩零較之歷年所辦

多獲銀三千餘兩每百斤有秤頭鹽二十斤除脚

人擦損折耗二斤年可獲秤頭鹽四萬八千餘斤
照府境賣價二分八釐該銀一千三百餘兩應將
秤頭鹽價留為知府井官辦事人役養廉工食一
切費用正鹽賣價請自雍正六年為始定為正課
又景東府屬之景東井年額煎鹽一十六萬九千
二百斤該井頗多餘瀎委員前往辦理瀎多者發
薪煎辦竈少者招竈領煎修理鹽井建造竈房督
竈煎辦自七月起漸次成效計年可獲鹽二百萬

斤有奇年可獲銀一萬二千兩除酌留二千兩為

井地官役設店收買養廉工食一切費用實可新

增課銀六千五百一十五兩合之前項正課正項

奇所以言

贏餘共銀一萬兩亦自雍正六年為始定為正課

天

工人

其代之

又雲龍州屬之雲龍井年煎額鹽一百五十一萬

一十四斤趲煎鹽三十萬斤今該井餘瀆尚多委

員較煎發銀收買自本年七月起每月可收買鹽

六萬六千餘斤年可獲鹽八十萬斤分撥帶銷年

可新增鹽價銀七千五百一十七兩零正項贏餘
欸內有加增銀三千二十兩零釐煎鹽價銀三千
兩二項均可定為正課其新增收買除本境零星
銷售及各屬脚人帶銷不便定為正課仍入贏餘
項下造報其分撥保騰永三處鹽三十一萬八千
四百九斤賣獲銀三千一百八十四兩九分亦可
作為正課合之舊額共銀一萬四千二百一十五
兩零亦自雍正六年為始定為正課又白井收買

沙滷雍正四年共收買沙滷鹽三百五十六萬八千五百斤各屬領運行銷其價不等除還薪本實獲餘息銀三萬五千二百五十九兩零今五年分儘力收買連閏可獲鹽四百二十五萬斤有奇可獲價銀四萬二千三百餘兩照

題定正課加閏該課銀一萬一千五十兩七錢外較之上年多增沙滷價銀七千餘兩以上四井年可增銀二萬四千一百餘兩

臣前

題定正課二十二萬五千九百二十九兩零贏餘六萬一千九百餘兩連今新增自雍正六年為始約定正課二十五萬六百兩零仍有贏餘銀六萬一千三百餘兩年共正課贏餘三十一萬一千九百

大笑

覽之奇辨

有奇除令鹽道分析造冊詳報外所有新增額課

餘息緣由相應

奏明再滇省錢糧從前隱漏各件除鹽務廠務軍民

田地文武官莊以及公件諸項臣已大槩清理陸

續奏

嘉悅觀覽之外餘無所論聞此外止有商稅一項早經明查密訪今始得知備細

大約每年亦可增四萬餘兩臣看撫臣朱綱明白

老成去得較揚名時之尸位自然霄壤矣與卿辦且經歷練諸事自能辦理臣當和衷同商逐

事而不和衷者想未必人類也一詳告凡應巡撫主稿事件俱聽伊會

題不敢分彼此亦不敢有遷就合併陳明伏乞

聖主睿鑒臣謹

奏

覽滇省有卿料理則循分供職安靜和平者皆可勝任
他省不乏人則已若需人朱綱似不能久任在滇

雍正五年十二月十三日雲貴總督臣鄂爾泰謹
奏恭請

皇上聖安

朕躬甚安卿好麼新春大禧一切平安如意也

同日又

奏為恭謝

聖恩事雍正五年十二月初二日臣齋摺家奴蒙

恩賞給驛馬齋捧

頒賜臣

親嘗克食一盒

御筵果餌并鹿尾鹿舌共三匣哈密瓜四箇抵滇至本

月初八日臣標千總段福等復蒙

恩賞給驛馬齋回

御賜臣阿布哈羊三隻廣橙一簍文旦一簍抵滇臣隨

各郊迎至署恭設香案望

闕叩頭謝

恩祇領訖敬啓摺扣跪諷

硃批覽卿奏謝知道了字字出於至誠句句朕皆動容
覽閱諸王大臣因朕五十大壽懇請備宴朕勉從之
此日微雪一堂和氣喜溢宮院念卿在遠省未得入
座特留數種朕親嘗食物寄來卿食此如同君臣對
面宴會也特諭欽此臣伏讀之下感痛失聲妻子聞

知亦皆泣下念受

恩至此無可名言

天

卿如此公忠朕亦必不肯負我君臣無可言說惟期始

終共勉此耳
慈父定當永墮輪迴並不得與恒河沙數矣又接臣弟

爾奇家信內稱十一月初一日

上御西暖閣

諭諸臣曰朕於羣臣無不闕切每當陞辭時諸臣亦有
戀戀者然朕心實未嘗留繫惟鄂爾泰前在朕前不

過數日朕每念之不置偶閱伊奏摺輒為淚下豈亦
君臣夙世緣分耶昨朕萬壽節諸臣進觴朕於班中
不見鄂爾泰輒為不懌特留筵上果餌四盤令奏摺
家人齎去以示朕意欽此語畢

天顏悽然爾奇於班中不禁淚下如雨幾至失聲
果然伊乃一過於迂誠之人居
心實不錯識見特欠通小器耳非大材也
聖恩若此更復何言等語臣捧誦數四涕流終日以臣

之愚實無以當此夙世緣分敬受今生今生作者
更期奮勉公忠誠純之

訓凜體終身不敢或作不善因以致

大慈悲大光明亦欲施矜憐而不能則幸免墮落臣願

畢矣此外不復能著一語至臣弟爾奇矢志無他

然每多非偏執總不通偏執據稱爾奇近以

奏對謬悞自分嚴譴蒙

聖恩矜全旋加寬宥訓誨諄諄逾於父子并

諭看汝近來行事恐有大姦見朕意不可搖動故別為
巧計使汝自蹈罪戾或并欲借此以陷汝兄汝兄鄂

爾泰為朕委任豈無人嫉妬無人播弄但伊謹慎故
朕之體羣臣蓋皆如此乃竟有如頑石而不知覺者豈
不墮其計中耳欽此爾奇跪聆之下淚血交迸誓期
不可訐可笑
竭盡愚誠仰酬

君父無為萬里懸念等語伏念臣兄弟受

大槩弟兄子孫只可聽

恩實無可名言感極而慚懽極而懼嫉妬人所或有謹

天

由命

舜有弟象堯生丹朱阿其那塞思黑乃

慎加可自持惟當交相勸勉反躬責己如行之不

聖

祖之

逮於人乎何尤如何論得至於鄂爾奇雖非汝光

耀門庭

之前畧無忌諱不禁言之瑣屑也為此繕摺恭謝

聖恩不必過為期伏乞朕看得透幸而服善或增長些識見亦未可定看他造化朕自然琢磨他
聖主睿鑒臣謹

奏

同日又

奏為恭報瑞雪預兆豐年事竊滇南氣候四時不甚
懸殊晴霽則冬可衣袷陰晦則夏可重綿秋盡草
不凝霜冬深地無積雪即間遇大雪亦不過數寸
旋積旋化然凡降雪之年來歲必係豐收詢之土

人歷歷可驗今自入冬以來天氣甚正冬至日微
雪衆皆以為佳兆至十九日傍晚大雪紛霏及次
日清晨雪盈二尺許父老罕見少壯希聞漢夷士
庶莫不懽忻復據左右郡縣絡繹具報同日得雪
自一尺二尺至二尺幾寸不等農民慶幸皆謂二
十年來所未有此實我

聖主敬誠所致感召

天庥遠邇無間被及邊方臣每接准部咨伏讀

上諭凡祈穀重農賑災蠲賦莫不深入民隱體恤周至
即父母之各為子謀百姓之各為家謀恐無此諄
切詳到也臣等身膺重寄叨荷

殊恩惟當欽遵凜體并遍行曉諭虛心實力各勤厥職
俾毋致上干

天和或降之罰則民生幸甚官方幸甚臣爾泰無任忻忭
無任感激繕摺恭報伏乞

聖主睿鑒謹

奏

去冬瑞雪可謂浩蕩

天恩直省普同皆賜盈尺之雪實罕遇者況滇省從未聞
有二尺尺餘之雪朕惟以手加額倍加惕厲與卿等共
勉之耳朕實感激愈增敬畏矣

天

祖實鑒之也

同日又

等十六寨共八十二戶又差把總胡元臣外委胡
榮率領頭人班國卿等化出大稿等九十一寨共
四百九十五戶又差把總王宣外委李元龍率領
土舍土人薛琮等化出上擺召等三十八寨共一
百六十八戶又差把總陳文英率領土舍薛鵬等
化出抵蓬等九寨共二十七戶又差把總胡元臣
外委盧炳率領頭人韋朝甫等化出大染等一十
四寨共五十一戶又差把總陳文英率領土舍王

世芳等化出上雨霏等二十一寨共七十七戶又
差把總楊世雄率領土目王廷臣等化出膽弄等
十寨共二十七戶班可用等化出打貫等五寨共
八戶又據被劾安順府知府何經文提標前營遊
擊卜萬年因會勘邊界又化出大箐等十寨共四
十三戶俱隨經逐次帶領各寨頭人就近投見提
臣楊天縱面加獎諭令其剃頭改裝賞給衣帽花
紅銀牌酒食等物復赴貴陽投見撫臣何世璠亦

各賞給花紅銀牌等物以上所化生苗又共二百一十九寨合前次

題報各寨通共合計四百二十四寨二千八百三十一戶男女一萬二千九百零三名口俱各具認狀共納糧銀一百一十六兩二錢七分糧米四十一石二斗造有戶口錢糧清冊到臣看得安順鎮寧定番廣順等府州邊界接連粵西一帶地方生苗盤踞最為難馴今仰賴

聖主聲教遠被莫不輸誠恐後皆願內附計地則有四
百餘寨之多計人則有一萬二千九百名口之衆
該苗等生長遐荒忽履中土見城郭營署之壯麗
衣冠人物之整齊其懽忻鼓舞之狀經見傳聞者
皆知共慶太平咏歌

聖世臣已檄令文武各員附載版圖編入保甲各加獎
賞安插訖至於化外苗夷既經內附則漢民往來
勢難禁止誠恐姦徒撥弄匪類潛聚又不可不慮

因復商之提臣就各寨適中之地移駐千總一員
量撥兵丁分設防汛巡緝稽查以杜販掠唆使等
弊庶可以清漢姦之源絕苗夷之釁而制之未然
不禁自止則從此編氓或得以安枕矣除另疏會
題并各寨戶口錢糧清冊送部察核外為此繕摺伏
乞

聖主睿鑒

臣謹

奏

妥協之極覽此有不嘉悅之理乎題到有旨

同日又

奏為報明古州各夷願附版圖事竊查黔粵之交有
八萬古州裏外一帶生苗地方千有餘里雖居邊
界之外實介兩省之中黔之黎平都勻鎮遠永從
諸郡縣粵之柳州懷遠羅城荔波諸郡縣四面環
繞而以此種生苗伏處其內分兩省而觀各在疆
外合兩省而觀適居中央任其剽掠四境一無管

轄故兩省潛受其害而皆莫可如何前督臣高其倬署撫臣石禮哈等曾見及此亦皆欲設法收入

然意在設鎮添兵以圖勦滅不獨地廣人稠難以

前石

禮哈

言及

此朕

深怪

之豈

止勞

師費

懾服且其人心最齊風俗近古誠恐勞師費餉徒

必成

一大孟浪事也

需時日終不能成事臣每訪其情形悉其大畧時

與屬員相商只須鼓以風聲不在脅以威力今仰
賴

聖化普被自長寨設營後安插撫綏遠邇歸心加以泗

城改流並無事誅戮以致延及安順各寨生苗編戶輸糧者已四百餘寨而謬沖之役又復旁及邊夷凡有知識皆思內嚮此實有可乘之機務當及時籌畫太急固不得少緩亦無濟者也前據黎平

實係幹員可嘉

府知府張廣泗等於謬沖事竣即前往清水江烏孟江等處地方相機勦撫續該員等同抵江上其兩江之空鵠噶宗便扛等寨素行不法慣匿姦頑者皆知畏懼有兇犯石祥汝久經逃入者該寨亦

皆獻出凡前擄陷人口亦各皆追還該員等隨復
藉勢親往八萬古州之地巡查踏勘據稱府西之
曹滴天甫六洞等處去府寫遠從不見官性好讐
殺且與彼處緊接遂借巡查曹滴等處即傳知各
寨苗民齊進八萬裏古州地方該處苗人亦遠來
叩接隨於所在地方設立款場宣示

皇仁凡八萬古州裏外苗民同時觀聽逐一犒賞申明
條約使彼凜遵不獨毫無抗違且皆扶老攜幼莫

卿以

不鼓舞懽忻一切地勢情形

伊辦理甚屬可嘉非該員等逐細巡察詳

如忠誠感發屬員亦斷不肯如此從事也稟前來臣看得八萬裏古州即元時所置古州八

萬洞軍民長官司地也在黎平之西南隅自府城

一百三十餘里抵古州土司所轄寨麻地方又自

寨麻五十里過八匡冲即入八萬裏古州之地其

間形勢寬敞田土膏腴南自車寨北抵樂鄉約長

三十餘里而橫濶之處或十餘里或六七里總計

周圍約有八十餘里除零星各寨不計外其大寨

則有車寨藏弩寨頭月寨口寨樂鄉寨等處每寨或千餘戶或數百戶其小寨則有寨王麥寨高達定達寨觀寨晚等處每寨亦有百餘戶或數十戶總計約有四五千戶男婦大小約有二萬餘丁地勢平行戶口稠密風俗頗稱淳樸去府治雖遠而於府屬古州等土司猶有羈縻之意界內有古州江其高敞處為諸葛營相傳諸葛亮曾駐兵於此四望寬平後倚大山周圍土垣尚存基址而古州

江臨其前又有都江潞其右溶江遶其左二水廻
抱滙合南流直達廣西懷遠縣界江內現有小船
裝載鹽貨就近貿易因多係生苗阻隔不能行遠
其土垣基址之內可居住數百戶基址兩邊之外
地勢亦皆平正可居住數千戶若設立郡縣商賈
往來人民輻輳較勝黔省內地此裏古州之大槩
也由此東去一百八十餘里為黎平郡西之境而
有八匡冲等處生苗間之西去一百七十餘里為

間之南去二百一十餘里為廣西羅城縣屬景裏之境而有苗谷滾里等處生苗間之北去二百八十餘里為黎平郡屬清水江之境而有山婆烏矮等處生苗間之東南七十餘里為永從縣郎巨洞之地而有蘇洞廷洞等處生苗間之西南一百四十餘里為廣西荔波縣水西之境而有都江八飛廠等處生苗間之東北五十餘里為黎平屬曹滴

土司之境而有高麗洞寅賴洞等處生苗間之西北二百一十餘里為鎮遠府凱里司之境而有丹江勒往等處生苗間之四境所至八方所到均屬內地其中約有一千二三百里其寨約有數千其戶口約有十數萬可設兩三州縣並可建一府以

統率之

此裏古州以外四至之大槩也前人皆未

經歷其地

統以八萬古州名之不免含混今巡查

料其

中有如許道理亦未聞其中風俗淳樸近古而人所至八萬裏古州既皆傾心內附而附近八萬裏

民皆

知體讓也

古州等處亦皆喁喁嚮風自當由內及外由近及

遠只須帶黎協兵丁數百名并府屬健役鄉勇文武會同前往多方勸諭先將八萬裏古州之外通達都勻一帶生苗設法布置俾盡輸誠次將通達廣西一帶生苗亦如法招撫俾各寧帖俟兩處既定然後合之八萬裏古州開曉法紀俾令輸糧編甲再直抵清水江會調鎮遠協官兵明張聲勢却秋毫無犯剴切化導以招撫九股生苗總計不過

八萬

一年料俱可以就理此時方可審其要隘度其形

勢

古州如此局面不但出朕望外亦天下人意想所

不到

勢設立郡縣聯絡黔粵俾道路相通畧無阻礙而

統

設一鎮可徐徐相機料理分布營汛以資彈壓庶使生熟羣苗皆

就約束無復化外之民據臣愚見侍郎臣申大成

現今改鎮是添兵之議暫可不必行謹當具疏

題覆合先聲明至黎平府知府張廣泗實屬幹員盡

心效職荷蒙

聖恩著署理貴州按察司印務并奉

上諭黎平府知府員缺著鄂爾泰酌量題補倘黎平府
新苗初定尚須張廣泗在彼料理則貴州按察司印
務交與鄂爾泰另行委署欽此臣查黎屬苗夷現在

只須撫綏無庸勦捕思州府知府張鉞明白勤慎

儘堪料理且張廣泗即署理按察司印務諸事仍

已實

授補用矣

可調度更易施設臣自當詳悉札囑不時指示并

甚好廣西

擬於明春辦理各案畢藉盤司庫之名親赴黔省

撫臣

總未得人朕看祖秉圭似有力量立志頗好沈廷
面商一切緣祖秉圭赫勝額皆係新任地方事宜

正歷練有非文書所局少差卿可俟伊到任後往點當面教
導貴州之任有卿在滇足可指示朕不憂也
旨除將思州府知府張鉞請補黎平府知府緣由另疏
具

題外謹此繕摺伏乞

聖主睿鑒

批示施行臣謹

奏

覽

雍正六年正月初八日雲貴總督臣鄂爾泰謹

奏為恭謝

天恩事雍正五年十二月二十九日雲貴提塘官姜文

濱專差齎捧

御製律歷淵源一百卷

頒賜到臣臣隨郊迎至署恭設香案望

闕叩頭謝

恩祇受訖竊律歷之學窮極精微而

御製之編探其源本跪覽之下悅目洞心臣謹按綱分三部目有萬端一曰歷象考成始以天象配以地體繼以歷元明黃赤道之分辨經緯度之別復益之以歲差然後示以三角之形究其日星之要上以揆天察紀下以明時正度言之不足表以彰之而歷象如指諸掌矣一曰律呂正義立黃鍾以正中聲定元聲以正律呂協律呂以正度量權衡齊度量權衡以正萬物蓋黃鍾立而萬物無有不正

故曰正義黃鍾為萬事之根本理數所從出究三分損益隔八相生之淵微窮五聲二變高低字譜倍律半律加分減分比例同形之妙用於是長短清濁各適其宜高下剛柔各得其位始之以正律審音中之以和聲定樂終之以協均度曲而律呂如聞其聲矣一曰數理精蘊以河圖為加減之原以洛書為乘除之本得其原本則以一貫萬至於靡窮皆此理也而精蘊即在其中總之則有點線

面體分之則有和較順逆由淺以及深執簡以御
繁將以仰觀天文俯察地理中度人事為之立綱
明體分條致用又從而表出之使理與數協天下
之精蘊孰有踰於此者就此三書敬觀大畧臣雖
管窺不能仰見垣壁然三復既周亦覺有轍迹可
尋若得從容究心或能漸有所得庶可不負

聖賜也伏念臣幼從塾師學舉子業四子六經皆以供
帖括及少長畧有知識而所為律呂之書亦遠之

不過史記漢書中諸志近之不過蔡氏律呂新書
即周髀等編間嘗竊觀然既不能得其淵源且并
無從窺其涯岸迨後襲世職叨侍

聖祖禁庭竊聞有三角算法幾何原本等書雖願聞其指
實無由可覓今叨蒙

聖恩頒賜及臣仰瞻

聖祖之手澤敬誦

聖主之睿裁可使挾義和未發之奧闡商高未明之旨

豈獨為天官寶笈秘府瑤函也欽惟我

皇上躬膺無疆之歷數乾乾惕若日進日強臣雖愚陋

不能齊七政以正五音然生逢

堯舜竊願學義夔長使千萬世仰日月之光聽和平之

奏已耳為此繕摺恭謝

天恩伏乞

聖主睿鑒臣謹

奏

欣悅覽之朕所喜者滇黔兩省新創之事甚多初定地方籌畫之處頗繁想必案卷如山料卿必竭蹶勉強辦理今覽此奏尚能留心於律歷之書則精神力量必有餘也朕實神情皆為之怡慰欣喜之懷筆不能諭雖然留之一字甚切要珍重之

同日又

奏為恭謝

聖恩并陳愚悃事雍正五年十二月二十日臣接到家

信知欽奉

聖旨苗民梗化由來已久既屬生苗尤難懾服綏靖鄂爾泰勦撫並用威惠兼施俾生苗向化輸誠咸願納賦歸附版籍又謬冲逆苗等素稱獷悍難馴今勦撫已靖悉皆內嚮鄂爾泰辦理甚屬可嘉著給與世襲阿達哈哈番以獎勞績張廣泗遵依鄂爾泰調度實心出力著交部從優議叙所有在事官兵應如何議叙賞賚之處著鄂爾泰分別等次具奏該部知道欽

此臣捧誦之下不勝感激不勝慚惶竊臣於烏蒙

一案前已叨沐

聖恩賞給世襲拜他拉布勒哈番今復

錫命重頒榮蔭逾分捫心自問實切難安伏念身膺

殊知總制兩省寧謐邊疆宣布

聖化臣之職司無所諉卸而能事在人自用斯小羣材

羣力端賴推誠故自蒞任以來雖無事不相參酌

無人不與叮嚀然而心不敢懈才不能戡意可相

通身難親歷倘文武僚屬因循支飾以為無關考
成互相觀望臣即有覺察亦不可奈何況自長寨
之役以及烏鎮泗城諸件皆仰荷

睿裁指授機宜勉臣得中令臣撫恤臣惟一遵

訓示並別無調度而風聲所至苗獠輸誠實由我

聖主至誠所動無遠弗届之所致若謂臣自能辦理是
不自量是為無恥而或更掩人之功俱攘為已有
則尤無恥之甚者也伏查安順等處生苗向化一

件臣於雍正五年十二月十三等日業經

題奏在案續於十二月二十八日復准提臣楊天縱

咨稱叅將劉成謨又化出木林工也等寨生苗一

百一十五寨四百二十八戶男婦一千九百零七

名口共認糧賦銀二十一兩零所有戶口錢糧清

冊一併移送到臣是合前後所化生苗凡五百三

十九寨此皆提臣楊天縱之善於鼓舞叅將劉成

謨之善於招徠自始至終兩人之功居多叅將官

祿次之原任定番州知州蘇松又次之遊擊卜萬
年及原任安順府知府何經文又次之每一次所
化凡各苗頭人劉成謨等領至提臣楊天縱處從
優賞賜面為開導復領至撫臣何世璠處亦給以
賞賜加以開導凡此大小臣工皆能仰體

聖主撫綏至意而楊天縱臣於兩次赴黔曾密交苗地
舊案二十六件囑令查拏商結一載以來皆已漸
次清楚則尤為實心努力者也至於內附既衆外

防須嚴必為一勞永逸之計方可收其始終歸順之功臣前議以千總一員帶領兵丁彈壓要隘今戶口愈增地方愈廣查向化各寨長濶九百里已直抵粵界如前所議不足以資彈壓仍俟與提臣詳細商酌會疏請

旨其黎平一帶所化生苗如交椅几馬歸歐九厥等寨皆張廣泗之力居多署副將韓勲及知縣孫紹武守備左垣等副之清水烏孟二江并八萬裏古州

諸寨所化生苗亦皆張廣泗之力該副將李登科
副之撫臣何世璽復委撫標遊擊冶大雄齎犒賞
以佐之再者鎮遠所屬之番隴噶脚擡拱三寨性
素强悍肆行燒劫現在鎮遠協副將張禹謨率領
遊擊韓勲會同施秉縣知縣沈遴相機勦撫除將
番隴等寨已經勦滅并兇賊富八等已經拏獲仍
俟搜捕賊黨外又據有高坡生苗之番招上下二
寨頭人顧九顧條雞加寨頭人老寵下烏奪寨頭

人老九養了寨頭人老序交汪寨頭人老歐稿五
寨頭人老仲圭竹寨頭人板東八朗寨頭人顧冒
等又據有九股生苗之歐家寨頭人條沙排畧寨
頭人老章烏樓寨頭人交養羊烏寨頭人烏羅在
濃寨頭人條尚南等寨頭人阿排桃饒寨頭人羅
三桃賴寨頭人包樓世益寨頭人陽九南生寨頭
人阿商等以上共十九寨頭人各皆傾心投誠盡
求內附臣前摺內欲將都勻一帶生苗化誨然後

及九股生苗再合八萬古州畫定規模今張禹謨等已能乘機化誨各皆實心努力則黔省生苗均可指日共附版圖而粵楚之交聲援聯絡並無阻擾庶黔省可謀安全而幅員亦不至狹隘矣所有續化生苗應俟開印具

題欽奉

恩旨除候部文行知到日恭疏

奏謝外合先繕摺恭謝

聖恩并陳愚悃伏乞

睿鑒

臣謹

奏

覽楊天縱已另有旨其餘文武官員可一一詳細造冊
送部

同日又

奏為窩泥既靖規畫宜周敬陳管見仰祈

睿鑒事竊滇省邊疆大局東則東川烏蒙鎮雄西則鎮

沅威遠恩樂車里茶山孟養等處皆係兇夷盤踞
素為民害誠欲規畫全省邊疆必將此數處永遠
寧謐斯為長策今仰賴

聖主仁威遠暨俱已漸次平定悉有規模唯車里茶山
孟養一帶地方界連交趾老撾蟒緬諸國各種蠻
賊憑陵江外忽出忽沒並無定所肆其兇殘莫可
踪跡不獨刳人燒寨視為泛常即殺兵傷官亦目
為故事而文武專司懦者託言羈縻巧者熟籌利

害縱報知督撫提鎮率皆互相隱諱以為安計間

有建議征勦者非以為好事又指為喜功此數百

可謂

實在情形矣從前李衛曾欲少加振作朕因其性

喜自

恃恐有草率孟浪處未敢信任也蓋賊之種類散處甚多賊之巢穴深邃難入一

有軍期彼且號召異類聲息遠通蠻國酋長皆可

響應故自元迄明每一興師輒調兵數萬支餉四

五省所費不貲然後僅入孟養之界明兵部尚書

王驥輩曾率師到此諸部皆震怖曰自古漢人無

至此者洵天威也及其班師而歸又旋服旋叛總緣未經妥辦故遂貽累至今臣自受事以來深察情形必欲將此等地方悉歸蕩平永遠服帖庶滇省大局始無遺憾但以事未就緒恐詞涉鋪張致駭

天聽故於雍正五年十一月十一日進勦窩泥摺內猶未敢陳明逆狀今合計官土兵數千人已直抵孟養地方并深入攸樂莽芝橄攬壩等諸兇寨俱已

搗破賊巢斬獲賊首羽黨就擒羣蠻歸附此固機
有可圖實勢難再緩用敢敬陳大槩仰祈

聖裁臣自檄調臨元鎮總兵官孫宏本帶領官兵進剿

孫宏本係一好總兵

去後續據各報稱車里宣慰司刀金寶并版目刀
正彥屢經差催會兵勦撫並無確覆徒延時日而
逆賊等擅將通茶山九龍江一帶路徑如普遠慢
哀闕鋪官坪版角以至孟養等處地方砍伐大樹
重柵壘石盡行堵塞沿途并掘深坑伏地弩竹簽

等件元江副將

亦係好員

邱名揚朕未見此人

聞得

多人言其出色漢仗人材亦去得今覽此光景果

兵各持巨斧鴛鴦鋤諸器械前驅砍路縱火燒柵

然矣

以搪牌防備弓弩以滾龍遍收竹簽行至思茅前

進普藤會合駐劄於是夷賊恐懼哀求版目轉懇

免死牌情願投誠隨經該將嚴諭版目賊等先則

殺客繼則殺官殺兵又復阻塞道路罪當必誅若

不獻出首兇斷難免死等語又據防汛九龍江千

總陳安邦並稱宣慰司刀金寶於十月二十三

往橄欖壩會刀正彥至今尚未回江傳說刀正彥
有謀奪宣慰之意故暗起此釁欲以嫁禍隨據副
將張應宗叅將邱名揚帶領兵練兼程奮進直抵
孟養凡三大站夷賊等烏散兔奔盡皆逃竄其地
離九龍江六十里離攸樂七十里離橄欖壩一百
四十里聞羣賊皆嘯聚攸樂邱名揚於十一月二
十日帶領兵練行至蠻破地方忽有賊千數鳴角
吶喊放弩拒敵及官兵鎗礮齊施賊皆遁匿追至

可嘉

之至

攸樂賊占踞山梁官兵三路直上賊皆滾箐潰散
傷死者甚衆遂破攸樂大寨就寨劄營并分兵駐
劄蠻破地方以通聲息以資糧運自此夷賊始知
畏懼乃日令弁兵遍搜各箐有羣賊在對面山上
喊叫我們情願投降見弁兵等爭前擒殺遂齊跪
哀告我們原是好百姓俱係被莽芝麻布朋克者
老二逼勒幫助若不依他便要燒要殺有火頭一
百餘人領衆至行營懇求免死情願引路拏賊隨

覽此

死來投不如以賊誘賊於是陽示寬仁暗查正賊

調度可謂勇畧兼備甚屬可嘉

及躡訪確實乃於十二月初五日由攸樂起程沿

途窮搜於初六日酉時抵莽芝大寨只有老幼窩

據邱名揚報稱茶山地方綿亘數千里夷民不止
數萬而六茶山之最大者莫如攸樂一山所管大
小四十餘寨窮一日之力不能遍搜一箐及搜到
山寨賊已潛踪形勢若此所以麻布朋等敢於肆
橫今官兵雲集網羅已密何難撲滅但渠輩既畏

泥封布朋和尚布朋等數人迎隊來投隨加細訊
得知賊首麻布朋藏匿於大箐石崖之下該將即
刻星馳四面圍合於初七日寅時生擒賊首麻布
朋並妻子媳三名口又以慢了慢五二寨之賊前
則坐草拒敵後又夥黨殺兵正欲往擒適有慢五
布朋二名阿臭阿戍慢了火頭一名呀蚌帶領窩
泥三名來投又拏獲賊首坡頗一名因查得慢了
之賊潛藏於蠻空山箐慢五之賊潛藏於蠻別山

箐是月十二日邱名揚復帶領官兵由漫達渡河
前往蠻別於十三日寅時三路合圍殺逆賊二
十人割取首級生擒賊黨六名賊婦女大小三十
六名口是日守備孫科等帶領官兵由慢林過整
版渡口前往蠻空午時邱名揚亦到兩面交攻鎗
傷逆賊二十七人隨割取首級生擒十六人并賊
男婦大小六十九名口其生擒慢五寨之賊犯囉
孛學白勒厦啣白勒學遮白勒慢了寨之賊犯妙

觀之
議敘

邦啣茄邦茄車學車休鑿崩頗約也彪也期沙蚌
令人暢然事畢可備述伊等效力處朕從優加恩

等俱監禁行營其餘婦女小娃悉分別安插其首

級四十七顆分發懸示又據孫宏本於是月初九

日黃夜遣千總李萬春等圍搜慢岡箐殺死拒敵

逆賊二十七名生擒男婦四十一名口又據守備

王耀祖等於十五日午時搜至慢拱寨羣賊皆執

標弩拒敵及見官兵衆多圍困嚴緊遂放下標弩

哀懇投誠獲有慢拱逆賊男婦一百七十四名口

內賊人三十六名賊婦子女一百三十八名口即遣伊等帶領拏賊又拏獲克梅大箐逆賊男婦四十四名口內賊人十八名賊婦子女二十六名口

實屬

可嘉

又斬獲甲奔等首級十七顆懸示其克者老二及羽黨等俟擒獲日再報等情各到

臣臣

查車里地

方江內江外原各設有土司除車里宣慰司外有茶山土司孟養土司老撾土司緬甸土司等員總因邊方寫遠各土司爭相雄長以強凌弱以衆暴

寡其茶山孟養等地方皆被車里吞併向來均置
不問以致兇夷肆惡漸及內地若不乘此大加懲
創布置周密江以外仍付宣慰江以內分設營防
不但普洱威遠等處終難安帖即永昌順雲各汛
亦難藉聲援況土目刀正彥占踞江內板納蓄謀
已久此人不除尤難以善後甚是臣已密札嚴檄令該
將等務必將賊首盡數擒解并乘機藉勢將六茶
山所屬千餘里地方盡行查勘按其疆界察其形

勢度其險要凡與蠻國酋長通連隘口應如何防

汛之處一一親查確勘俟其詳稟到日臣擬親往

善後事宜甚屬緊要但卿總理兩省多新定地方現今

覆勘以圖一勞永逸如西藏軍務或料理未畢臣

西藏無甚緊要事卿應彈壓各處此事郝玉麟足可料

難以分身當囑提臣郝玉麟親往勘覆以便定議

理令伊前往可也

此實滇省大局所關尤非黔省長寨比也且查六

茶山地方向因未經人到皆稱地寒土瘠不產五

穀今據各員稟報所至地方糧穀豐收牲畜繁殖

物價皆賤兼出鹽酒是并可設立郡縣以資控制

若可如此更可保一勞永

逸矣

矣至此外滇省邊境兇夷如東川府之土目祿世
豪祿天佑素性跳梁斷難革面而祿天佑橫肆尤
甚臣前因有事烏鎮恐激其助惡故暫緩擒治今
祿世豪已被知府黃士傑誘擒解省業經審究而
祿天佑恃險聚衆明肆抗拒臣近派本標弁丁會
合武定營協同東川官兵四路進勦并照會四川
建昌鎮截其去路茲據叅將魏翥國等已攻破險
隘直抵法戛巢穴諒不日可以成擒無所逃遁統
亦應行者

俟擒解到日分別審擬繕疏

題報外謹將進勦茶山情形敬陳大槩伏乞

聖主睿鑒

訓示施行

臣謹

奏


凡卿所辦之事朕實至無一言可諭矣在廷諸臣皆與觀之人人心悅誠服賀朕之福慶國家得人朕亦惟以手加額感

上蒼

聖祖賜朕之賢良輔佐耳卿如此居心行事不但得卿一人之力勸勉屬員得通省文武官員之力且凡見聞臣工實亦莫不奮勵國家得力處多矣大臣習尚一整我朝之福洵不可限量卿功實大凡封疆大臣能保全名祿者即為上上人物矣不但孰能如此且亦孰肯如此此人情分明眼前者

天

祖自然照察朕慶悅之懷實難筆諭勉之一字朕皆不忍
書矣嘉之一字實亦有負卿之心也特諭



硃批諭旨卷一百二十五之五